

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

1. Royal Arctic Line-p pajuttaataanni ukiuni amerlasuuni aqumiut nunaqavissut "naalakkatut" atorfillit nunaqavissuunngitsunik taarsersorneqarnissai sumik tunngaveqarpa?

2. Royal Arctic Line pisussaava nunarsuarmioqatigiit isumaqatigiissutaat STCW 95 qulaatiinnarlugu nunatsinnut atuuttussanngortitsinissaminut? Allaat nunaqavissunut piumasaaqatit tungaasigut inorsiilluni?

(Saxtorph Didriksen, Siumut)

Tunngavilersuut:

Ukiuni kingullerni tusartalerparput nunatsinni nunaqarfinnut illoqarfinnullu nioqqutissanik assartuutissat nutaat sanaartorneqartut, tamassumunngalu atatillugu ullumikkut aqumiut nunaqavissut allaat nunaqavissuunngitsunik taarsersorneqarniartut.

Nunatsinni suliffissaaleqineq taama annertutigitillugu akuersaaruminaappoq taamaattoqassappat, massa ullumikkut aqumiut nunaqavissut STCW 95 naapertorlugu allagartallit arlaqaraluartut.

Apeqquteqaatimma ullut suliffiusut qulit iluanni akineqareersimanissaat kissaatigaara.